



^{mo} ILLVSTRISS. ET REVEREND. D. ^{mo}

D. FRATRI AVGVSTINO DE IESV ARCHIEPISCOPO
& Domino Bracarenfi Hispaniarum Primati,
& domino suo colendis.

F. BERNARDINVS MORELLVS AVGVSTINIANVS
Salutem & felicitatem perpetuam.



CV M Honos sit premium virtutis Illustris. ac Reuerendis. Pręsul, mirum non est si Regia Maestas te ad amplissimum Archiepiscopatus gradum euexit, & mirum non erit si te in dies ad maiores ac maiores dignitates & honores effe- ret: nam tanta est tuarum incredibilium virtutum ma- gnitudo vt earum fama vbique iam peruagauerit; Itaque ad nos Italos allata amarūt te plurimum omnes, ad quos ea peruenit: Ego autem non solum amaui sed statim me tibi ita addixi vt nihil potius habuerim, quam te de fa- cie cognoscere ac in perpetuum me tibi consecrare; Quod quia itineris longin- quitas non permisit; has meas Musicales elucubrationes emissurus non alteri quam tibi Pręsul dignissime, ac Męcenas optime dicare volui, vt saltem hoc pacto animi mei erga te propensionem agnosceres, est quidem munus tantę dignitatis impar, agnosco, fateor. Sed quid a Fratре Augustinianę familię professo ac pro- pterea paupere atque egeno maius dari poterat? sunt hęc ingenij mei primitiæ quas vt olim Patres Vet. soli Deo offerre solebant ita ego tibi offero, & sacro, & si tibi viro sapientissimo: & in omnium scientiarum genere versatissimo non di- splicere intellexero, animus profecto meus ad maiora aggredienda se accinget, eaque sub gloriosissimo nomine tuo in lucem prodire curabo. Interim me ho- minem quidem ignotum sed nomini tuo addictissimum in seruatorum tuorum nu- mero adscribere ne graueris. Deus Opt: Max: D. T. Illustrissimam & Reuer. diu nobis incolumen seruet. Montisflaconis die primo Ianuarij 1598.